

## **Bugis - Passalama Kitta'è - Deliverance Scriptures**

**Matius 6:13 Aja' taleppessakki ateddèngeng ateppereng wettutta ricobai, iyakiya taleppessakki polè ri akuwasanna iya mappèjariyè. Ikona Arung makuwasa sibawa malebbi lettu mannennungeng. Amin.' (Lukas 11:4)**

**Matius 8:16 Mammulanana mapettang, natiwini tauwè lao ri Yèsus maèga tau iya nauttamakiyè sètang. Na silappa adami bawang napaddèsu'i Yèsus sining sètangngèro sibawa napajjappa towi sininna tau malasaè.**

**Matius 10:1,8 Engka sèuwa esso naobbii Yèsus iya seppulo duwa ana' gurun- Na maddeppungeng. Nanawèrèngngi mennang kuwasa untu' paddèsu'i roh-roh majae sibawa pajjappai sininna rupa-rupanna lasaè enrengngè sininna rupanna tau sala-salangngè watakkalèna. (Markus 3:14,15) 8 Pajjappai sining tau malasaè; patuwoi sining tau iya mate'; pajjappai sining tau iya malasa oli mappakatautauè, sibawa paddèsu'i sètangngè. Purani mutarima manenro sibawa cuma-cuma. Jaji abbèrèyang towi sibawa cuma-cuma.**

**Matius 12:26-29 Makkuwatoro ri laleng akkarungenna Ibillisi'è; rèkko sèddiè kalompo' rukkai kalompo' laingngè, tabbagè-bagè matti iyaro akkarungen-na Ibillisi'è angkanna maruttung. 27 Makkedako makkedaè Upaddèsu'i sètangngè nasaba akuwasanna Bèèlzèbul. Rèkko makkuwaitu, nasibawang akuwasang niga ana'-ana' gurummu paddèsu'i sètangngè? Alèna ana'-ana' gurummu pabuttiwi makkedaè salako! 28 Iyakiya Iyya Upaddèsu'i sètangngè sibawa akuwasanna Rohna Jehova. Bettuwanna iyaro makkedaè map-pammulani Jehova mapparènta ri tengnga-tengngamu. 29 Pèkkugi tauwè naullèi muttama' ri lalempolana sèddiè tau iya mawatangngè untu' rampsa'i waramparanna, rèkko dè' nasiyo lebbi riyolo iyaro tau mawatangngè? Purapiro, nainappa naullèi rampasa'i waramparanna. (Markus 3:23-27)**

**Matius 12:43-45 "Rèkko roh majae nasalaiwi sèddiè tau, iyaro roh-è mattuliliwi risining onrong marakkoè untu' sappa onrong mappèsau, iyakiya dè' nalolongengngi. 44 Rimakkuwannanaro makkedai, 'Maèloka lisu ri bola iya puraè usalai. ' Wettunna lettu kuwaro, iyaro bolaè lobbanni, mapacking sibawa taratoro'. 45 Nalaona sibawa tiwi pitu roh laing iya lebbi majae naiya alèna. Nainappa muttama' ri lalenna tauwèro, naonro kuwaro. Na angkanna keadaanna iyaro tauwè lebbi majani naiya pammulanna. Iyatono kajaiyang matu sibawa sining tau majae wettuèwè."**

**Matius 15:22,26,28 Engka sèddi makkunrai Kanaan polè ri daèraèro lao ri Yèsus nagora-gorato, "Ana' Daud, amasèika! Nauttamakiwi sètang ana' makkunraikku. Namaladde senna." 26 Nappèbali Yèsus, "Dè' namakessing malai nanrèna ana'-ana'è naribuwangengasuè." 28 Nanakkeda Yèsus lao ri makkunraièro, "Bu', maraja tongeng teppe'mu! Leppessanni kajaiyang aga muwacinnai!" Iyatono wettuè najjappa iyaro ana' makkunraiè.**

**Matius 16:19 Namaèlo-Ka mpèrèkko goncinna Lino Barunna Jehova. Aga**

**muwattèyang ri linoè, riyattèyang towi ri surugaè. Na aga mupattongeng ri yasè'na linoè, ripattongeng towi ri surugaè." (Matius 18:18)**

**Matius 17:19-21 Nainappa laoni ana'-ana' gurunna Yèsus polè ri Alèna secara alè-alè sibawa makkutana ri Alèna, "Pa' aga saba'na idi dè' nariyullè pad-dèsu'i roh majae?" 20 Nappèbali Yèsus, "Saba' makurang teppe'ko. Engnerangngi! Rèkko mappunnaiko teppe' silloppo batu sawi-sawiè, weddikko makkeda lao ri buluèwè, 'Lèttè'ko kuwaro!' Pasti lèttè matu buluèwè. Dè'na gaga muwi sèddi iya dè'è mullèi pogau'i! 21 Iyakiya sètang makkuwaèwè, banna weddingngi ripassu ri sempajangngè sibawa puwasaè bawang."**

**Markus 1:23-26 Iyaro wettuè engka sèddi tau nauttamai roh majae muttama' ri laleng bola assompangngè, nagora, 24 "Oh Yèsus, tau Nazarèt-è, aga maèlo Mugaukekki? Polè-Koga untu' pabbinasaki? Uwisseng niga Iko: Ikona suro mapackingngè iya polè ri Jehova!" 25 Nagara'ni Yèsus iyaro roh-è, "Ammekkoko! Assuko polè ri tauwèro!" 26 Naiyaro roh majae nagottanni iyaro tauwè sibawa masero, nainappa massu polè ri tauwèro nanagorato.**

**Markus 1:32-34,39 Arawènnana, labunana essoè, natiwini sining tauwè lao ri Yèsus iya maneng tau malasaè sibawa tau nauttamakiyè sètang. 33 Maddeppungenni sininna pabbanuwana kotaèro ri yolona bolaèro. 34 Nanapajjappani Yèsus maèga tau iya nakennaè maddupa-rupang lasa, sibawa napaddèsu' towi maèga sètang. Dè' napalaloi iyaro sining sètangngè mabbicara, saba' naissengngi mennang niga Yèsus. 39 Rimakkuwannanaro laoni Yèsus kègi-kègi ri sininna Galilèa, nanakkatobba risining bola assompangngè enrengngè napaddèsu'i sining sètangngè.**

**Markus 5:8 ( Iyaro tauwè makkeda makkuwairo nasaba makkedai Yèsus ri alèna, "Eh roh, assuko polè ri tauwèwè!")**

**Markus 6:7,13 Naobbini iya seppulo duwa ana' gurun-Na, nainappa nasuro mennang tadduwa-duwa sibawa nawèrèngngi mennang kuwasa untu' paddèsu'i roh-roh majae. 13 Iyaro ana'-ana' gurunna Yèsus napaddèsu'ni maèga sètang, nasapuiwi minnya' zaitun tau malasaè sibawa pajjappai mennang.**

**Markus 9:23-25 Nappèbali Yèsus, "Aga muwaseng? Rèkko naullèi Bapa'? Wedding maneng, assaleng mateppe'i tauwè!" 24 Matteruni gora iyaro ambo'na anana'è, "Puwang, mateppe'ka, iyakiya makurang atepperekku. Tulukka kuwammengngi napèdè' mateppe'ka!" 25 Wettunna naita Yèsus makkedaè mammulani polè tau maègaè makkatulung, nasuroni iyaro roh majae meddè. Makkedani, "Eh roh mataru-taruè sibawa pèpè, Uparèntakko massu polè ri ana'èwè sibawa aja' sises-sisenna mumattama ri lalenna!"**

**Markus 9:29 Nappèbali Yèsus, "Iyaro roh majae bangsana dè' nawedding ripaddèsu' sibawa muwi cara aga, sangadinna sempajang."**

**Markus 9:38,39 Nakkedo Yohanès lao ri Yèsus, "Pa' Guru, mitaki sèddi tau iya paddèsu'èngngi sètangngè ri laleng asenna Bapa'. Nariyattèyangngi nasaba dè' napolè ri idi. " 39 Iyakiya makkedai Yèsus, "Aja' muwattèyangngi, saba'**

**dè' sèddi tau iya pogau'èngngi anu makalallaingngè ri laleng asek-Ku,  
mullèi cella-cell-Ka.**

**Markus 16:17 Selaku buttinna makkedaè mateppe'i mennang, sining tauwè  
napaddèsu'i sètangngè ri laleng asek-Ku; mabbicarai matu mennang ri  
laleng sining basa iya dè'è naissengngi mennang.**

**Lukas 4:18 "Engkai Rohna Puwangngè ri Iyya, saba' pura-Ka nalanti' untu'  
mabbirittangngi Karèba Madècèngngè lao ri tau kasiyasiè. Nasuro-Ka untu'  
mappallebbangengngi aleppekengngè lao ri tau ritawangngè sibawa ajjap-  
pang lao ri tau butaè; untu' paleppe'i tau iya ripanrasa-rasaè (Yèsaya 61:1)**

**Lukas 4:34-36 "Eh Yèsus, tau Nazarèt, aga maèlo Mugaukekki? Polè-Koga  
maèlo pabbinasaki? Uwisseng nigako, iko suro polè ri Jehova iya  
mapaccingngè!" 35 Naggera' Yèsus lao ri sètangngèro, "Ammekkoko!  
Assuko polè ri tauwèwè!" Nainappa iyaro sètangngè naggeppuwangngi  
iyaro tauwè ri yolona maneng mennang, nainappa massu polè ri tauwèro  
dè'na napeddiriwi. 36 Hèrang manenni tauwè, nakkeda sèddiè lao ri  
laingngè, "Tenniya culè-culè ada-adan-Na. Nasibawang akuwasang, nasuroi  
roh-roh majae massu, namassu tona mennang!"**

**Lukas 4:41 Nassuna sining sètangngè polè ri tau maègaè, nagora-gorato,  
"Ikona Ana'na Jehova!" Iyakiya rigera'i mennang ri Yèsus sibawa  
dè'naripalalo mennang mabbicara, saba' naissengngi mennang makkedaè  
Alèna ritu Arung Pappassalama'è.**

**Lukas 7:21 Iyaro wettuè Yèsus pajjappai maèga tau, sibawa paddèsu' maèga  
roh majae enrengngè mèbbui maèga tau buta makkita.**

**Lukas 8:29 Iyaro tauwè makkeda makkuwairo nasaba Yèsus suro i yaro  
sètangngè massu polè ri alèna. Biyasani rikuwasai ri sètangngèro,  
angkanna muni risiyo limanna kuwaèttopa ajèna sibawa rantè nenniya  
rijagainna tonget-tongeng, naullèto pettuiwi iyaro rantè nainappa ritiwi ri  
sètangngèro ri padang kessi'è.**

**Lukas 9:40 Purani uwèllau ana'-ana' gurunna Bapa' untu' paddèsu'i iyaro roh-è,  
iyakiya dè' naullèi mennang."**

**Lukas 10:17-20 Lisuni sibawa marenヌ senna' iyaro pituppuloè ana' guru.  
Nakkeda mennang, "Puwang, sining sètangngè tunru' ri idi rèkko riparèntai  
mennang ri laleng asenna Puwangngè!" 18 Nappèbali Yèsus, "Uwitai  
Ibillisi'è sempè polè ri langiè pada-pada billa'è. 19 Issenni! Pura Uwèrènno  
akuwasang kuwammengngi mullèi mallèija'i ulaè sibawa dokkèngngè  
enrengngè lemmaiwi awatangenna sininna baliè, nadè' gaga sèuwa mullèi  
cilakaiko. 20 Namuni makkuwaro aja' mumarenヌ nasaba sining roh majae  
tunru' ri iko. Lebbi kessing muwi akkèrennuko nasaba riyokii asemmu ri  
surugaè."**

**Lukas 11:14 Risèuwaè esso, Yèsus paddèsu'i sètangngè massu polè risèddiè  
tau pèpè. Massunana iyaro sètangngè, mammulani mabbicara iyaro tauwè.  
Maèga tau hèrang,**

**Lukas 11:20-22 Iyakiya Iyya, Upaddèsu'i sètangngè sibawa akuwasanna**

**Jehova, na bettuwanna iyaro iyanaritu mappammulai Jehova mapparènta ri tengnga-tengngamu. 21 Rèkko sèddiè tau mawatang, massenjata sakke'i jagaiwi bolana, salama' manengngi matu appunnangenna. 22 Iyakiya rèkko sèddiè tau iya lebbi mawatangngè luruiwi sibawa caui, iyaro tau iya lebbi mawatangngè narampsa' manengngi matu senjata iya narennuwangngè punna bolaèro, nainappa nabagè-bagè sininna waramparanna.**

**Lukas 13:32 "Iko iya cèddè'mi jumellamu, aja' mumètau! Saba' masennang Ambo'mu mpèrèkko barakka polè ri Apparèntan-Na.**

**Yohanes 14:12 Tongeng senna' adak-Kuè: Tau iya mateppe'è ri Iyya, napogau'i matu aga iya puraè Upogau' -- mala napogau'i matu iya lebbi battowaèppasi -- saba' lao-Ka ri Ambo'è.**

**Yohanes 17:15 Dè' Uwèllauwi kuwammengngi Ambo'è malai mennang polè ri linoèwè, iyakiya Uwèllauwi kuwammengngi Ambo'è jagaiwi mennang polè ri majae.**

**Riwaya'na Rasul-Rasul-E 10:38 Muwissenni makkedaè Jehova pura pilèi Yèsus tau Nazarèt-èro sibawa mpèrèngngi Rohna Jehova nasibawang akuwasang. Muwisseng toni makkedaè iyaro Yèsus laowi kègi-kègi untu' pogau' dècèng; napajjappa manengngi tau nakuwasaiyè Ibillisi', saba' Jehova sibawangngi.**

**Riwaya'na Rasul-Rasul-E 16:17,18 Iyaro makkunraiè naccowèriwi Paulus matteru sibawa idi nagora-gorato, "Iyaè sining tauwè atannai Jehova Iya Pommatanrè! Polèi mennang untu' paissengiwi Saudara-saudara pèkkugi carana mullèi salama!" 18 Siyangangngarè esso ittana iyaro makkunraiè matteru-terui gora makkuwaro. Teddènni asabbarakenna Paulus, angkanna gilinni nainappa makkeda lao ri roh-èro, "Ri laleng asenna Yèsus Kristus uparèntakko massu polè ri makkunraièro!" Iyatoro wettuè iyaro roh-è nasalaiwi iyaro makkunraiè.**

**Riwaya'na Rasul-Rasul-E 19:11,12 Napogau'i Jehova gau'-gau' iya dè'è gaga padanna naolai Paulus. 12 Rèkko lènso-lènso iyarè'ga kaing pabbekkeng iya puraè napakè Paulus ritiwi lao risining tau malasaè, majjappai lasana sibawa massu towi roh sètangngè polè ri mennang.**

**Riwaya'na Rasul-Rasul-E 26:15-18 Nauwakkeda, 'Niga Iko, Puwang?'**

**Nappèbali Puwangngè, 'Iyya'na Yèsus iya mupanrasa-rasaè. 16 Oto'no namutettong! Uwappaitangngi alèku ri iko sibawa akkatta untu' makkako mancaji pattumanik-Ku. Harusu'ko mabbirittangngi lao ri tau laingngè aga iya muwitaè iyaè essoèwè passalenna Iyya sibawa passalenna aga iya maèloè Ujèllorekko matti ri wettu mangoloè matu. 17 Maèloka paleppe'ko polè ri bangsa Israèliè sibawa bangsa-bangsa laingngè iya tenniyaè Yahudi. Maèlo-Ka suroko lao ri mennang 18 untu' pakkitai matanna, kuwammengngi nassu polè ri pettagngè nanauttama ri laleng cakkaè; kuwammengngi naleppe polè ri pangarunna Ibillisi'è, narikuwasai ri**

**Jehova. Na ri laleng mateppe'na ri Iyya, riyaddampengengngi matu dosa-dosana sibawa mancajiwi matu mennang anggotana umma'na Jehova iya ripilè.' "**

**Roma 16:20** **Jehova iya mabbèrè asalèwangeng lao ri rupa tauwè, masitta'i matu taroi Ibillisi ri yawa akuwasammu sibawa mancuru'i. Tennapodo Saudara-saudara tuli ribarakkakiwi ri Yèsus Kristus Puwatt!**

**2 Korintus 2:11** **Upogau'i iyaro kuwammengngi Ibillisi' aja' nala kasempatang untu' makuwasaiki; saba' taissengngi rancana-rancananna.**

**Galatia 1:4** **Mapatoiwi èlona Jehova Ambo'ta, Kristus mabbèrèyangngi Alèna mancaji akkarobangeng untu' dosa-dosata, kuwammengngi Naripassalama'ki polè ri wettu iya majaèwè.**

**Efesus 4:27** **Rèkko macaiko, aja' muleppessangngi iyaro caimu nassabariko madosa. Aja' mumacai puppu esso,**

**Efesus 6:11** **Pakèi sininna parèwa musu iya nawèrèngngèkko Jehova, kuwammengngi muwullèi mattahang mèwai siyasa'-siyasa'na Ibillisi' iya malengngoè.**

**2 Tesalonika 3:2,3** **Assempajang tokko kuwammengngi napassalama'ki Jehova polè risining tau iya dè'è nakkèyampè sibawa majaè. Saba' dè' nasininna tauwè mateppe' matu ri biritta iya polè ri Puwangngèro. 3 Iyakiya matinului Puwangngè. Napèwatangiko matu sibawa nalinrungiko polè ri Si Majaè.**

**2 Timotius 2:26** **Nanallalengiro namainge' mennang paimeng, sibawa leppe' polè ri siyo-siyona Ibillisi' iya puraè tawangngi mennang sibawa passai mennang maccowèriwi èlona.**

**2 Timotius 4:18** **Mèmeng Puwangngè maèlo leppessakka polè ri tungke' pakkuraga majaè lao ri iyya. Maèlo iyi sibawa salama' ri laleng akkarungen-Na ri surugaè. Sitinajai Alèna ripakaraja mannennungeng! Aming**

**1 Petrus 5:8** **Lebbi nasini-sininnaè, sitinajako tonget-tongeng siyamasèi sèddiè lao ri laingngè, saba' ri laleng sisullè siyamasèi, tuli sadiyako matu untu' sisullè siyamasèi.**

**1 Yohanes 4:4** **Iyakiya Ana'-ana'ku, appunnangennako Jehova. Purani muau nabi-nabi palsuè, saba' Roh iya engkaè ri iko lebbi makuwasai naiya roh iya engkaè risining tau iya appunnangenna linoèwè.**

**Nomoro 10:35** **Let Jehova arise and enemies scatter.**

**Deuteronomy 23:5** **Jehova turn curse into blessing (Nèhèmia 13:2)**

**Mazmur 44:4** **Jehova command deliverance for Jacob.**